

Hmar Christian Fellowship, Delhi

Thupui: *Khawvel po poah fe unla thil siemhai po po kuomah ChanchinTha hi hril ro.* Marka 16:15

Executive Committee

Chairman Upa Dr Lalsiemlien Pulamte
Vice Chairman Pu L B Tuolte
Secretary Pu Herbert Lalsanglur
Asstt. Secretary Pu Lalchungsiem Thlawngate
Secy Fin (M) Pu Timothy Shakum
Secy Fin (G) Pu Darsuothang
Secy Evan. Pastor Lalditsak Inbuon
Membarhai: Pu Benjamin Khawbung
Pu H K Kawllienthang
Pu Hrangkaplien

Ex-off Members: Deptt Head-hai po
Pastor Laldisak Inbuon

Nuhmei Pawl Committee

Chairperson Pi Haulientling
Vice Chair. Pi Rohlun Hrangchal
Secretary Pi Chonghoi Inbuon
Asst. Secretary Dr Donny Tuolte
Fin. Secy (Gen) Pi Sari Ralsun
Fin. Secy (Msn) Pi Grace Khobung

Membarhai:

Pi Rengi Ruolngul Pi Darlienzo
Pi Hoilam Pi Lalrotluong
Pi Lalhuolhim

Thalai Pawl Committee

Chairman Tv Jessai Shakum
Vice Chairman Tv Johnson Hmar
Secretary Tv Zarzollen Infimate
Asst. Secretary Tv William Darngawn
Fin. Secy (Gen) Nk Esther Lalramhuol
Fin. Secy (Msn) Nk Dorothy Lalneizo
Music Secretary Tv Lalneilien Inbuon

Membarhai:

Nk Thlirnawnmawi Nk Kimi Pulamte
Tv Ramngailien Pu Vanlalmuon Joute
Tv Joseph Pakhuongte Tv Stephen L Ruolngul
Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
Evan Jostna Lal Evan Rehana
Evan Vanlaltian Amos Tv Joshua Sungte
Tv Sunil Rawat Nk Deepika
Nk Arpita Barua Nk Neha Lal
Evan Phirlienmawi Evan Pramod Kumar

Naupang Sande Sikul

Pu Lalitana Chhangte Superintendent
Pu Timothy Shakum Asstt. Supdt
Zirtirtuhai:
Pu Lalhmingtha, Pi Dr Lalsanghnem
Pi Zolienmawi, Pi Judith Sanate
Pi Lalnunmawi, Pi Vida Lalzarzo
Nk Sari Buongpui, Nk Nienghoikim
Nk Betsy Ramtuokkim Hmar

Vengbuk Inkhawm Thuoituhai

Vikaspuri

Immanuel Khobung, Grace Keivom, Lalhmingmawi

RK Puram

Suothang, LK Thagen, Haulientling

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalchungnhung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

Robert Penatu, Jared V Varte, Kim Thlawngate

South Extension

Lalmuonthang, Joseph Darngawn,
Chawnglienmawi

Munirka

C.Muan Buhril Lalthuoisuok Pudaite Michael Joute

North Delhi

Dr. Robert Varte, Gordon Amo, Roselyn Buhril

Gurgaon

Alan Sinate, Vanlalthuthlung, Dardingpui

*Khawvel popo a fe unla, thilsiem
popo kuoma Chanchin Tha hril ro.*

(Mark 16:15)

Hrepuitu : July 2010

Vol-5. No.7

July 2010



Hrepuitu

HMAR CHRISTIAN FELLOWSHIP DELHI CHANCHINBU

Thuawinaw kakhawk

Pathiena innghat

Chuong thil po po chu a hrepuitu in nih. (Luka 24:48)

Hrepuitu : July 2010

Hrepuitu

Hmar Christian Fellowship Delhi
Chanchinbu Thlakip Suok
Vol. 5 No. 7 (July, 2010)

Editor:

Upa Lalsiemlien Pulamte

Jt. Editor:

Pastor Lalditsak Inbuon

Editorial Members:

Lalchungsiem Thlawngate

Timothy Shakum

Address:

Editor, **Hrepuitu**,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268

Email: hrepuitu@yahoo.com

Lakman:

Copy khat Rs 10.00

Kum khat Rs 100.00

Suttu:

Upa Lalsiemlien Pulamte
(Hmar Christian Fellowship
Delhi aiin)

Hi chanchinbu-a hin Hmar Christian Fellowship Delhi le a rongbawlna chanchin a chuong a. A sunga thuhai hi Pathien rongbawlna hmangruoa hmang nuom ta dingin hmangawng le lâsawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuong kher nawh.

- Editor

Editorial

Thu awi le thu awi naw kêr inhlatzie

Thuawina le thuawinawna ra hi hmu thei nghal le nakie pha chawa hmuthei chi a um a. Sikul naupang ni laia nu-le-pa le hotu hai thu awi le thu awi lo hai voisuna an ngirhmun inangnaw dân chu chieng ém ema hmuthei a nih. Sikul naupang an ni lai khan an inang puot a, sienkhom matric an hung inekzam khan an hung inthlau met a, fak zongna ding sin an hung hmu/thaw meu chun an ngirhmun an thlau ta hle. Hun a sawt deu deua an hung inthlau tul tul el a nih.

Pathien thuin a mi hril danin ama thu awi chu hringna a ni a, a thu awi naw ruok thina a nih. Taksa khawsaknaa khom hin Pathien thupek zawm hi hringna le hmuingilna a ni a, chun thu awi lo chu thina le sietna a nih (Deu 30:15-20). Pathien thu awi hai chungu chun suon tam tak chena malsawmna pèk tiem a ni a. Amiruokchu, a thu awi naw hai chungu chun suon tam tak chena phuba la thei a ni bok. Pathien thuawi le thuawinawna leia malsawmna le sietna/lungsenna chun suon khat chen chau ni loin suon tam tak chen a dai a nih.

Chatuon sandamna chang dinga Pathien thu awi (A Naupa Isu Krista ring) thua khom khawwela mihriem hai chan a lan ang naw hle ding a nih. Kristien le Kristien naw kar chauh ni loin ringtu inti, biek in pakhata inlawi seng seng khom nakie, Hun Tawpah ei chan inthlau hle tâng a tih. Voisun hin ei mongmai hmunkhat a, thawlawm ei pèk tâng a, rong khom ei bawl tâng el thei, chun ei thi huna khom ei ruong Pastor vui ni seng seng sienkhom Isu Krista ring le ring naw thua Lampa'n ro mi rel pèk hunah Pathien thu awi hai (piengtharhai) chu vanramah chan nei an ta, a awi naw hai (piengtharnawhai) ruok chu meidil an chan ning a tih. Saruoka hnuoia hung pieng seng ei na, sienkhom hnuoia dam sung hun hmangthiem le hmangthiem naw hai thlarau ngirhmun chu an taksa thi hunah an ang ta naw hle ding a nih.

Upa Lalsiemlien Pulamte

Hrepuitu : July 2010

KRISTA PALAI

- Evan. Vanlaltlan Amaw

Chuleiin, Krista ta dinga palai kan ni a, Pathienin keini hmanga a ngèn chêu angin, "Pathien leh inrem ro" tiin Krista aiawin kan ngèn chêu a nih (II Kor 5:20).

Krista aia a palai kan nih' ti hin ei Lalpa Isu Kristain intlanna sin a lo zo tâk leiin khawvel mi taphot chu Kristain thiem a'n chang tir ta sa le a sandam tahai an lo nizie inhriettir dinga Krista zara palai kan ni a ti a nih. Chu lei chun Pathien le inrem dingin ka ngen cheu a nih. A san chu Pathienin ama kut suok ngeia khawvel mihriem a siem po po suola an bo hmang el ding chu rem a ti naw a, ama kut suok ngei ei ni leiin a mi hmangai a inremna rongbawl palai sin chu a hung thaw a nih. Pathienin khawvel a hmangai bék bék a an bohmag el ding chu a rem ti naw a, ei ni hlak chu mithi ding ei ni si leiin a naupa Isu Krista, mi thienghlim le mi fel, suolna hrim nei lo chu ei ni damna dingin le thiem ei chang theina dingin inremna palai sin chu a hung thaw a nih.

Pathien le inrem thei ta lo ding kha Isu Krista chun remna ropui tak chu Pathien leh ei inkara a mi hung inthlung pèk ta a nih. Suol leia thi ding le bohmag ding hai Krista zara thiem ei chang tah. Krista hung thina zarin Pathien hmaah mi thienghlim, hmel hemlo le soisel boa um dingin Pathienin a min rem tir ta a nih (Kol 1:22). Chu baka chun Krista leiin iengkim ama leh a min rem tir nawk a krawsa a Naupa thisen chun inremna a hung siem ta a nih (Kol 1:20). Pathien chu thlier bik nei lovin mi lien mi chin hai khom khawvel pum pui khom a lo rem ta a. Krista tuorna le palai sin thawna lei chauh in thiem lo chang hai thiem a min changtir tah. Hieng ang lawma Isu Kristain

palai sin ropui tak a hung thawna-a hin eini'n iem thaw tâng ei ta leh? Krista lei chauh in Pathien chu inzak mhak lovin 'Pa' tiin ei ko thei tah. Ama zara chun Pathien nau nina ei chang ta a, Pathien ro hluotu, Krista ro hluopuitu hai ei nih. Krista tuorna ei inmawmpui si chun a ropuina khom inmawmpui ve ngei ei tih (Rom 8:17). Hieng hai po po hi Kristain palai sin a hung thawna zara ei chang hai chu a nih. Pathien chu inpakin um raw seh! Hi lei tak hin tirko Paula chun Krista palai kan ni a tih.

Chu lei chun nang le kei khom Krista palai ei ni ti ei inhriet dingin a poimaw bék bék a nih. Krista palai sin thaw poimaw tak le ei thaw ding poimaw tak chu a Chanchin Iha hril hi a nih. Hrelo hai kuomah Krista hmangaina Chanchin Iha hril a, an ring thei ngeina dinga hmangai taka an kuomah intuklut hi ei thaw ding a nih. Chu baka eini 'Ringtu' inti Pathien nauhai leh ama ei inzom ta si chun Pathien thilthawtheina chu suongin Thlarau ralthuom inbelin Krista palai sin thaw dingin inbuotsai ei ta kal pên bok ei tiu. Krista hmangaina chu ei lo chang ve ti ei hriet ta bok a, chu hmangaina chun a rongbawl ding le a Chanchin Iha palai sin thaw dingin a mi tir tlat a nih. A san chu Krista taksa peng hai ei ni si a, nangni hi Krista ta in na, Krista chu Pathien ta a nih (I Kor 3:23). Chuleiin 'Krista ta ka ni ta a, ka thaw le ka hril hai hi Krista ta ding vonga thaw le hril ka nih' ti seng thei inla nuom a va um de! Hi hih a nih ka hril nuom tak chu, ei sinthaw iengkimah Krista palai sin thaw ka nih ei ti seng theina dingin ka ditsakna kan hlan cheu a nih. Pathienin a thu malsawm raw se.

Hrepuitu : July 2010

CHANCHIN LAWRKHAWM

Naupang Pawla inthok Puitlinga son: 11 July 2010 khan Naupang Department-a Senior pawla mi naupang panga Puitlingah son an lo nih. Puitlinga sona um hai chu (i) Nk Elaine Chinrimawi, (ii) Nk Fimlienmawi, (iii) Nk Rochanhlu, (iv) Nk Rebec Lalmalsawm le (v) Nk Ramtharmawi an nih. Sona an um hma, 10 July 2010 khan Naupang hotu thenkhat haiin anni inpawlpuina neiin, Isu Krista ringtuhaiin ser-le-sâng ei nei hieng, baptisma, sakramen le ringtu puitling nun, kohran dân thienghlina nuhmei-pasal innei, thalai pawl le kohran thilthawna-a inhman ti hai a poimawzie le ei nuna a tangkaizie hriltlângna an neipui bok. Sandamna inhrietchiengna le ringna tienga thawkkhat puitlinga ngai an nih. Pathien zâr chauhin ei naupanghai taksa le thlarauah an puitling pei a, lawm a um tak zet.

Tirkohai Rongbawlina dinga Motorcycle inchawk tah: Kohran mipuiin ei thupui “Chanchin Iha hrildar” thua an thahnem ngai leia ei tirkohai rongbawlinaa hman ding Motorcycle man ding Rs 50,000/- an thaw a. Tuhin Evan. Vânlaltlan hman ding Bajaj Platina (Model 2007) Rs 24,500/- in inchawk a lo ni tah. Evan. Phirlienmawi hman ding ruok chu July thla sung hin inchawk beisei a nih. An motorcycle hman hai hi Lalpa’n malsawmin rongbawlina ra tamtak insuo zuol sien ti chu ei beiseina le ei tongtaina ding a nih.

South Ext. Vengbuk chun perkhuong a lo inchawk: Pathien inpâkna le rongbawlinaa hman dingin South Extension Vengbuk chun perkhuong (Yamaha siem) tha tak el an lo inchawk. 17 July 2010 zân khan inhlânna le lawmna prokram ruoithe mea hman a nih. Upa Lalsiemlienin Pathien kuomah perkhuong a’n hlan a, chun Pastor Lalditsakin Pathien thucha a hril.

Mihrang Pasaltha Sunzawmna

“Ni tla ngaiinaw Zion khawpui” ti hla hi a hung phuok tah a nih. A hlaihi hi vanram ngaina thuin an kur a; a thluk le trongkam hman hai an inthruomvuok mawi leiin hla mizie inthuk tak an pai a, ngaino beiin rieu inthuk tak an nei a, sak khoma sak nghokum lo chi an ni deu vong a nih. Kum 1980 July, 23-in Pastor Lienrum chun a ngai em em “Ni tla ngai naw zion khawpui” chu panin muol a lo liem tah a nih.

(Eini laia Kristien hmasahai rongbawlina hlutsak a hlaw theina dingin Gospel Centenary 2010 sung hin an chanchin inchuon a nih. “Thûkna Ropui” lekhabua Pu HK Kawllienthang thuziek ‘Mihrang Pasalthahai’-a inthoka lâksawng a nih. – Editor)

SERMON

Thuawinaw kakhawk

-L. Biekrawn Tuolte

Adam le Evi thaw suol ei hril tam ta hle. Khawvela harsatna po po le thina chen hi anni thu awi naw leia suok vawng chu a nih. Pathien thu zawm naw rasuok/kakhawk chu ei buoina le harsatna po po bakah thina chen a nih. Adam le Evi thaw suol hnung khawmin Pathien chun mihriemhai siemthat a la tum pei a. Nova huna mihriem suol leiin khawvel suksietin a um a. Nova-a inthawk Pathienin khawvel indinthar nawk tumin a suol po a nuoi bo vawng a. Khawvel mi pariet chauin an hlao a. Mitha ngawt ti thei a nih. Nova khawm a hun ler tieng a petek ve nawk a. Pathienin mihriem chu ngil dingin siem sien khawm mani nuom zawng lampui seng an zawngsuok lem hlak (Thuhriltu 7:29).

Hi hnung khawmin Pathienin khawvel chu siemthat tumin Abrahama inthawk zawlnei tamtak a ko a nawk a. Zawlnei chu that annawleh theidain suknawmnat an tuok hlak a. Mihriem chu siemthat thei tak tak a ni chuong nawh. Pathien thu nekin mani thu bawk ei dit lem a. Ei sietpui pei bawk.

Israelhai suol leia khawvelin ei tuor hi ei hrietfuk mang nawh. Thu hriltuhaiin an hril ngai mang lo a ni a. Adam le Evi suolin a hlân ni lem a tih. Vawisun chena khawvelin ei buoipui, harsatna le buoina 70% hi Israelhai dukdak naw lei ti thei a nih. Anni khawm Pathien thu zawm nekin mani thu an zawm lem lei a nih.

Israelhaiin Kanân ram an lut ding khan Pathien thu pêk zawm ding tam tak laia pakhat chu Kanân mihai that chimithing le anni le innei pawl lo ding a nih. Sienkhawm, Israel haiin Kanân mihai an that chimithing nawh. Lo that chimithing hai sien vawisuna khawvel buoina a tam lem chu hi huna sukkieng dai ding a lo ni tah. Tulai khawvel sukbuoithe le sukchiaitu chu Musalman sakhuo hi a nih. Hi sakhuo hi

Arabia ram vela intan a nih. Israelhaiin Kanân ram an hung lut khan hnam pasari le a dang dang kha lo that chimithing vawng ni hai sien hi sakhuo khawm a suok ring a um nawh.

Adam le Evi thu awi naw chau ni loin Israelhai thu awi naw khawm hi khawvelin ei tuor a nih. Kanan ram hlutuhnam pasari hai an that chimithing naw hi tulai khawvel buoina le harsatna bul pakhat a nih. Adam le Evi thu awi naw bakah Israelhai thu awi naw khawm khawvel sietpui a nih. Thu awi naw kakhawk hi a tha nekin a sie a ni zat zat hlak.

Vawisun khawvela firfiek pawl (terrorists) tamna le thawn suokna hmunpui chu Gaza Strip khu a nih. Gaza Strip buoina khawm a bul tumtu chu Israelhai tho an nih. An thu awi naw hi anni bawkin an sik bakah khawvelin ei tuor pha pei chu a nih. Joshua rawia Kanân ram an lak/hlao hun khan Gaza Strip khawm laksa le hne dinga thu pek an nih. Juda pahnam chan dinga ruot a nih. Hi hun hin Filistien hnamin Gaza hi an hlao a. Filistienhai hne si naw chun

Gaza lak/nei dan a um nawh. Juda pahnamin a chanpuola inthawk Filistienhai a hnawtsuok naw leia vawisun chen buoi an ni lem. Gaza Strip hi Israel ram ti thei a ni nawh. Pathienin Joshua kuta a pek ni sien khawm hlao lo ram/ lak lo ram a ni tlat lein Israeal ram ti thei a ni nawh. Gaza Strip hi khawvela mihriem bubitna tak a nih. Ram chite chau a nih. Gaza Strip hi mel 25-a sei le mel 5 vël a Khang a ni chau a.

Khawvela Muslim firfiek tamna tak a ni bawk. Hi laia pawl pakhat chu Hamas an nih. Sun le zan chawl nei loin Israel ram chu Rocketin an kap deu zing hlak. Achangin mihriem an kap hlum a; Israelhai an sukthlabar zing zing hlak. Pathien thu zawmin Filistien mihai lo thatin lo hnawtsuok ni hai sien chuh vawisun Gaza Strip leia Israelhai buoina hi um lo ding a nih. Nakie Hmar tieng Lal (Gog le Mogog) an hrang hun khawmin Gaza Strip hi an thanghmun lakna ding la ni thei a tih. Hi hmuna inthawk Israelhai chu awl deuin an run ding a nih. Annawleh Hermakedon indo huna ding khawmin Israel hmelmahai inkulna hmun ding khawm la ni thei a tih. B.C. 1500-1400 bawr vël Khan Israel (Juda pahnamin) Gaza Strip lo hnein lo la ni hai sien vawisuna Gaza ram leia Israelhai buoina hi um lo ding a nih.

Adam le Evi suksuol hnung khawmin Pathien thu zawmin lo awi ni inla khawvel chu inpawngnekna le indona chu tlawm deu a tih. Thu awi naw kakhawk/ ra hi hun sei le tawin a sukbo naw a nih. Israelhaiin Pathien thu zawmin an hmelma po po lo that chimit vawng ni hai sien vawisuna khawvelin buoina

tam tak a hmasuon hi um lo ding a nih. Pathien thu zawm lo ra/kakhawk chu vawisun chen Israelhai le khawvelin ei tuok tah a.

Ei ni rawi khawm hre zinga awi lo/ zawm lo ei tam em em a. Vawisuna ei khawvel chu buoina ngawt a ni tah. Ei nghatna tieng tieng harsatna le beidawngna ding ngawt a nih. Sakhuo tieng ei thlir leh inhnempui khawp Pawl hrat bik um lo, Politic ei thlir khawmin bei a dawng tho. Sikul naupanghai hlak hnam dang el phak an um ta si nawh. Kan ram ei ti 'Tipaimukh Biel' hlak tam le pasietna ngawtin kum tam a delde tah. Deuteronomy zieka tawngsie kha ei hnam chung a hmuthei zing a ni tah. 'Lu ni loin mei' ei ni lem ni lo am a ni! 1920-60 vël bawr Khan chu Sinlung suok hai lai chu 'Lu' ei ni hlak an nawm a ni kha! Anleh, tuhin iengleia 'mei' ei ni thei? Asan dang rak a um nawh. Thu awi naw kakhawk a nih.

Pathien thu hi tam tak zawm/sukdik a ngai nawh. Pakhat ei sukdik chun tam deu ei sukdiksa nghal. Entirna'n 'Inru naw rawh' ti ei sukdik chun ei ramah fak ruk le thaw loa Sorkar sum hmang a bo nghal ding a nih. Ei ram le mipuiin malsawmna ei dawng/chang nawk ding chun 'Inru naw la, inhnar naw rawh' ti thu pek ei zawm a ngai.

Khawvel malsawmna chang/dawng dingin thu awi a ngai. Pathien thu hre sia zawm lo le awi lo hi tawngsie bul a nih. Chuleiin, ei hriet tlawm khawmin tlawmte zawm el ding a nih. Gospel Centenary ei hmang tah a. Tukuma inthawk tha tharin Pathien thu zawm le awi inchuk ta inla ei ram le hnam chu vul zai rel nawk a tih.

Hrepuitu : July 2010

Delhi Mission Field Ripawt

A hmasa'n ei Lalpa Isu Krista hmingin chibai ka buk cheu.

Kohran hai mi tongtai pekna zarin voisun chen hin Lalpa'n a rongbawl thei dingin ka hringna a mi keisei pek lein ei Pathien chu inpâkin um raw seh. Kohran hai khom thlarau le taksaa malsawmna tam tak an dong pei, hieng hai po po hi ei tongtaina ra chu a nih.

Tuta thla sung chu office hai enfelna kan nei a. Hun liem taha mi record umlo po po a thara record siem a nih. Baptisma lo chantang hai hming list siemin file-a record a nih. Ni tin zingkâr tongtaina kan nei hlak. Zantieng kohran membarhai kanin hun kan hmang hlak. Sunah office tieng sin kan thaw hlak a, chu baka kohran hai ina lêng malamin ringnawtu hai Chanchin lha hril a nih. Zirtawp zân zâtin kohran hai Bible Study nei pui hlak a nih. Thawlenni zanin thalai hai fellowship kan nei pui bok hlak. Inrinni zanin Pathienni chawibieka sak ding hla kan inchûk pui hlak. Tulai khawmuol lum lein Baibul tract ruok chu kan sem thei hri naw a. Hun remchang huna hai sunah tongtaiin hun kan hmang hlak. Chu baka chun Pathien zar le Kohran mi lo tongtaipekna

zarin SEP training-ah mi iemani zât kan tir bok a, chuong kan tirhai chu kohranin kan hlawkpui tak zet niin kan hriet. Taksa le thlaraua kan inthanglien pei niin kan inhriet bok. HCFD-a nu-le-pa hai mi tongtaipekna hai hi a thlawn naw a ni ti mi lo hre pêk dingin ka hung ngên cheu a nih.

Ringthar hlim kan ni lai le voisun hun ka hang thlirin thlarauah nasa takin kan inthanglien niin kan inhriet. Ni tin kan hung tongtaipek zing hlak cheu a nih. Ringtu nundan indik tak kan nei theina ding le thlaraua bohman hai sandam an ni theina dingin mi hung tongtai pêk zing hlak ro aw.

Khawvela khawsa ni inla khom khawvel do dân angin râl kan do ve nawh. Indona hriemhrei kan hmang hai hi khawvel râlthuum a ni naw a, kulpui thiek theina Pathien râlthuum thilthawthei chu a ni lem. An thang hmun kan thiekpêk pei a, Pathien hriet na lampui chapo taka dodâltu taphot kan tukdol a, ngaituona tinreng Krista salah kan man bok a nih (II Kor 10:3-5).

In rongbawlpui,
Evan. Raman Lal

Inhriettirna le ngenna

Mi tuel khom sermon, Pathien thu tieng artikul, testimony le thuthar/hlathar donghaiin hi Chanchinbua insuo ding in hung pêkthei zing. Chun, hi Chanchinbua ei kohran chanchin le rongbawlina ei insuo hai hi mimal le vengbuk inkhawm tongtaina subject-a hmang nghal dingin ei infiel bok a nih. Chu khêlah, Pathien rama thahnemngai a, ei Chanchinbu page sponsor nuom dâm ei um chun phêk khat peiah Rs 100-a sponsor thei zing a ni bok.

- Editor

Hrepuitu : July 2010

Kum 1902-in Senvon khuoah a pieng a, 1913-in Kristien sakhuoah an pe a, 1915 kumin a piengthar a, R. Dala kutah baptisma a chang zui nghal. Chu hnungin Tirko sin thaw a nuom leiin R.Dala kawla a hni a, peka a um leiin kum hnih Bible an chuk a. Kum 1922-in hlaw neiin Tirko sin a thaw tran a, Manipur Rangte biel Suongsang khuoah a um a. Chu taka inthok chun ramthim nawkzuol, chanchin thra la hrilna ngai lo Nungkholien khuo Hmunthraah an son a. Ringthar mi 70 a thruoi lut hman chauin ram buoina a um leiin hnot dokin a um a. NEIG Mission sunga buoina a um hnungin Independent Church tieng a thrang a. Hi buoina hi a hung zuol pei a, an kohran a hung zuva nasa hle laia thoktu pasari, Manipur Political Agent Higgins hmaa ngir dinga kohai lai ama hi a thrang ve a nih. 1945-in Pastor dinga namnghet a na. Independent Kohranah a kûl a taia rong a bawl hnungin kum 1958 khan hlimna thua ngaidan inang nawna leiin Independent Church of India hotu luhaian chawl dingin lekha an pek a. Kum 1962 khan ama rawiin Assembly of God Church zomin biek in hmasa tak Rengkai khuoah a kum nawkin an bawl a, a hongtu a ni nghe nghe.

Mangkawlun khuo Suongsanga rong a bawl laiin Senvona a nu le pa chun ama hriet loin a nuhmei ding an lo ngaituopek fel diem a, Iekhathonin, “I nuhmei ding kan lo ngaituo fel vong an tah, hung rawh”, tiin an hei hril a. Chu

thu chu mak ti hle sienkhom, a nu le pa thu chu zawmin kum 1922-in Rev.R.Dala kutah Khuonglienpui leh an innei tah a nih. Chuonga nuhmei a nei tak si lei chun Suongsanga chun in bawl ve a tum tah a. A in bawl na ding hmun chu lal in hmun hlui, ramhuoiin a soisak hlak leia um ngam loa an rausanna hmun a nih. A khuo mihaiin hril tri hai sienkhom Lienrum chun “Ramhuoi ka tri nawh, ramhuoiin an mi tri lem, iengkhom mi law thei naw ni hai,”tiin in chu a bawl lui tah a. A hrillaw ang ngeiin a chungah iengkhom a tlung ta si naw leiin, ringnawtu hai lungril a tawh hle a, “Lienrum Pathien hi Pathien tak tak a nih”, tiin mi 50 lai Kristien an hung ni zui ta nghal a nih.

Kum 1923, June ni 5-in nau lutirah Vanlalthangi an nei a, a nuhmei le nauhai khom op lum hman loin ram pilril le lam mumal khom um nawna hmunah ama khat chauin hmun hla tak takah Pathien thu hrilin an zin kuol hlak. Rangte biela hin khuo 30 neka tam a biel a. A nauhaiin mani trong theinghil hiel khopin Rangtehai lai hin rong a lo bawl a nih.

Hla a phuok tam rak nawa chu a hla phuokhai hi inlar le sak tlanglawn pawl an ni vong. Hmuthraa rong a bawl laiin thlarau tienga thuom tharna kum 1925 khan a chang a. Chuonglai chun vanram ngaina zunin a zèm a. Nisa tla ta ngai nawna hmuna mi thienghlimhai, puon ropui sila an leng lai mitthlaa a hang thlir changin a lung an sukleng a. Chuong hun lai bok chun hla tienga thuomna dongin,

Phek 10na a sunzawm...

Hrepuitu : July 2010

Khawvelin changkangna tieng a pan pei ang hin mihriem khawsakna le hrietna a changkangin an thang pei a hawi a. Tulaia ei nauhai, thangtharhai ti lem inla khawm, ei inchuktir le an lungril phêka ei tu chu ‘Midang chungah innghat lo ding’, ‘Thilthawna réng réngah mani inringzo ding’ ti hai hi a hung ni pei a. Hienghai hi a tha a ni lai zingin ei khuolzinna khawvela ei um sung hin mania ringawt innghatin ei khawsa thei tak tak dim a ni? ti hi hang inngaituo chieng inla ei nuom tak zet a. Hlasiemtu chun, “Khawvel varna khawm teplo el a ni, sienkhawm Isu le chun iengkim thawthei a nih”a lo ti a. A ni ngei, hrietna, thiemna, varna le hausakna hai nei de inla khawm Isu thang naw chun teplo el, harsatna le beidawngna min tluntu lem an ni thei a nih. Ni tin ei khawsakna iengkima hin Pathiena innghat a tulzie le a pawimawzie a hnuoia ang hin ei hmu thei a nih.

Fâk-le-dawn, silfên le

khawsaknaah: Mathai 6:25-a chun, “In hringna thilah ieng am fain in dawn ding, in taksa thilah ieng am silin in bil ding ti lungkham naw ro. Fâk ding nèkin hringna, silfên nékin taksa a poimaw lem an naw maw?”ti ei hmu a. Fâk le dawn ei ti de a chu, ei khawsakna le silfên khawm a huop sa a nih. Tulaia ei ngirhmun tak chu Pathien indawn a, a zai nghak nekin ei khawsakna ding dam, fâk-le-dawn le silfên ding zawnga inlap rak rak ei hawi. Hienga ei inlap rak rak hin iem hlawkna le a ra ditum tak hmu ei nei a? ti zawna hang siem nawk inla. A hlawkna le a ra ditum tak hmu ding a um naw, chu nek hmanin sin inrimna le sawl thlawna mei mei, kumhlun lo thil vawng a nih. A ni ngei, Isu Krista hnuoia a hung lai khan, mipui enin a lunginsiet tawl èm ém a. Pathien ngaia hlutak an nizie an inhriet naw a, a pawimaw tak ‘Hringna’ nekin khawvel thil an thlâkhla lem tawl a. Chunglèng vatehai dam tekthinuain a hmang a, “anni chun bu an tu naw a, bu

inah an sèk lut bawh nawh, sienkhawm Pathien chun a enkawl tawl si a”, tiin. Chunglèng vatehai nék daiin mipui hai chu Pathien mithmuah an hlu lem thu dâm a hril a. Tulai eini ringtu inti si mi thenkhat chun Pathiena innghat lovin, khawsakna dam zuk changkang vat nuom leiin mani ril rem zawng dâm ei zawngin ei thaw tum hlak a. Chuonghai chu a tul naw sa sain an lo sawl thlawnd el hlak a nih. Nisienlakhawm, taksa khawsaknaa lungkham lo ding le Pathiena inngata, Ama mi ngaihlui hai ei ni leiin ei khawsakna ding chu a hun le hmun zir peiin a mi ngaituo pèk ding a nih ti chu ei hmu lem a nih. Chuleichun, ei fâk-le-dawn, silfên le khawsakna zawngna kawnga hin ei lo buoiin ei lo sawl rak rak a ngai naw thu Isu Krista ngeiin a mi hril a, chunek hmanin Amaa innghat tlat dingin a mi’n fui tawl lem a nih.

Inchûknaah: Inchûklaihai tading chun, pawl sawm/sawm pahni zo hun hin lungril ngaituona a vuongdar nasa hun

lai tak a ni a, inchûktuhai khawmin a lo thaw tasahai indawnin ngaidan thahai lak tumin, an hmakhuo an ngai hun lai tak a nih. Tulai admission hun a ni bawk a, inchûklai le nu-le-pa hai hin inchûktuhai an hlawtling theina dingin tûm a na ei rawn tak? Mi tamtak chun Pathien khawm rawn se se lovin khawvela mithiemhaiah inhnemin, an ngaidan le tha ti zawngin inchûkna tieng chu an pakai hlak. A then ruok chun Pathien rawn hmasa le Ama kuomah inhlan fai vawng zet hnungin an fena tieng chu mithiem hai an rawn cho a, admission an hmuna tak chu Pathien ruotah an ngai ve thung. Ei khawtlâng hang en vel in la, a hmasa lem hai hi chu hlawtlingna hang chang de hai sienkhawm, a dai sawt ngai nawh. Hlohna vaithlûka uma a hung vuoi vat ang hin hmu theiin an ropuina le hausakna chu a hung vuoiin a chuoi hlak a nih. An ropuina hai khawm an thiem lei le an hrietravn leia ngaiin, chu chu chaponain an hmang lem hlak a, malsawmna petu Pathien an hriet fuk ngai naw leiin khawtlâng le kohrana hai khawm mi hnawksak an hung ni hlak a nih. A nuhnung lem hai ruok chu, tlawmtaka inthawkin Pathienin a hung chawimawi tung pei a, hlawtlingna tluontling an changtir a. Chutaka inthawka malsawmna an dawng chu suon tam tak chen a dai hlak a nih. Ienganga hausakna le ropuina an dawng hnung khawmin, Pathiena inthawk lieu lieu a ni ti an hriet chieng leiin an inngaitlawm a, mihai ngaiat an hung hlaw deu deu a, inpawlpui an inhawiin an kuoma um khawm thla a muongin a'n hawi êm ém a nih.

Inchûklaihaiin in inchûkna le thilthawna tinrengah hlawtlingna tluontling in chang ei nuom pui tak zet lei cheuin ei Pathien hring kuoma inngat mi ni dingin ei infiel thar a nih.

Thutlângkawmna: Mathai 6:31-a bawk chun, “Chuleiin, ieng am fain dawn ka ta, ieng am silin bil ka ta ti lungkham naw ro. In Pa vana mi chun hieng po po hi in mamaw ti a hriet. A ram le a felna zawng hmasa lem ro, chuongchun, hieng po po hi a pêk belsa ding cheu a nih. Chuleiin, zînga ding lungkham naw ro, zîng chun ama ding lungkham a tih. Ni khat buoina hi ni khata dingin a huntaw” a ta. Sakhuo dang behai neka Kristienhai ei hamthatna chu beiseina hring, Isu Krista ngeiin a mi maksan pek hi a nih. Thlân khêl rama Van Jerusalem thar hluo dinga beiseina a mi pêk bâka, ei nitin khawsakna le sinthawnaa hin beiseina thar a mi pêk nawk pei hi ei hamthat bikna a nih. Eini tienga ei thawding hmasatak le pawimawtak chu Isu Krista sandamna (chieng taka) chang a, Ama hringna intawmpui hi a nih ti a chung a Isu Krista tawngkam ngeia inthawkin ei hmuthei a nih. Hi thil hi ei nei hnunga chu hril ngai lovin ei sungrila inthawkin thatna tinreng, hieng ringumna, felna, inngaitlawmna, taimakna, zaidawtheina hai a hung par suok el ding a nih. Chu zet chun leh, fâk-le-dawn, silfèn, khawsakna le inchûkna tieng hai réng réng ei lungkham a ngai ta naw, ei thawnaa inthawkin Amain ei thatna dingin a min hlawtlingtir pei hlak ding a nih. Chu hlawtlingna chu a tlo a, suon tam tak a dai a nih. Ei nuom tak chu iengkim ei thaw hma, ei lungrila ei suongtuo tan laia

inthawkin Pathien rawn a, Amaa inngat a nih. Chuong anga ei thaw chun lungril himawna réng réng nei nawng ei ta, ei chung a hung tlungta le tlung ding hai chu Pathien thilthawah ngaiin, ‘Amen’ ti thlap thlap thei bawk ei tih. Chuongchun, ei thilthawnaa ei thatna dingin hlawtling pei

ei ta, midanghai chung a inngat nawng ei ta, thilthawna réng réngah mani ei inringzo bawk ding a nih. Hi lei hin an nawm hlasiemtu khawmin, “Khawvel varna khawm teplo a ni, sienkhawm Isu le chun iengkim thawthei a nih” tia a lo khêksuok pui chuh. Lalpa’n a thu malsawm raw sen.

Ramthim Inzinna Ripawt

-Evan Vanlaltlan Amaw

July 6, 2010 khan Delhi suoksanin a zingah Nepal ka lut a. Unau Pooja-in Dangaria-ah a mi lo tuok a, chu hmuna bu kan fak khopin a umna hmun, Phool Bari tieng kan fe nghal a. Chu taka chun unau iemani zatin an mi lo hmuok a, tongtaina kan nei zoin hlim takin hun kan hmang.

July 8, 2010 khan unau Raju leh kan suok a, zanah khaw pakhat, a hmingah sorkarin K. an bûk chu kan tlung a. A zingah mi iemani zât fe khawmin inkhawmna hun kan hmang a, ‘Pathien Mizie’ ti thupuia hmangin thuhirilna ka nei. Thlarau malsawmna tamtak dongin kan inhriet. July 10, 2010-in khaw pakhat, C. E. tia an ko elah, inkhawmna hun kan hmang nawk a, mi 30 vèl kan fe khawm. Chu taka chun ‘Pathien mi thlang dan’ ti thupuia hmangin rongbawlina kan nei. Hi ni hin ringthar mi pathumin an mi hung belsa. Chun kohran fe pei dan ding le inthanglien pei dan ding lampui kan hril tlâng a, thlarau malsawmna kan dongin kan hriet bok. A khuomihai ka hei en a Chanchin lha-a dangchar an ni ti ka hrietin ka lunginsietin ka hmangai a, insûm thei lo khopin mitthliin a mi buok a nih. Rongbawlina kan nei sung hin mi pakhat, khuo hmu fie thei rak lo hi kohranin kan tongtai pek a, damna a chang a, Isu chu Lal le Sandamtuin a pom nghal bok a nih.

Chu bakah ringnawtu pakhat, TB natna invoi leia lungngai êm ém a hung inkhawm ve a, ama khoma thlamuongna changin Isu chu a Lalpa dingin a pom. Chun khawhri soisak hlak nuhmei pakhat khomin hlimna a dong a, a pasal leh Pathienni zat inkhawm dingin an intiem. A khawmihai, an reng deu thawin ringnawtu an ni a, inthawi chingmi an la nih. Ringtu chu tlawmte chau an la nih. Chanchin lhain hi khuo a hung el var ngei theina dingin tongtaina’n lo san seng ei tiu. longtainaa mi lo santuhai po po Lalpan malsawm raw sen cheu.